

**ა(ა)იპ ზაქარია ფალიაშვილის სახელობის
სამუსიკო სკოლა**

**გამარტივებული ელექტრონული ტენდერის საშუალებით
მუსიკალური ინსტრუმენტები და ნაწილების (CPV კოდი: 37300000)
სახელმწიფო შესყიდვის**

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

ქ. ბათუმი

2014 წელი

ინსტრუქცია ტენდერში მონაწილეობისათვის

1. გამარტივებულ ელექტრონულ ტენდერში მონაწილეობისათვის – იხილეთ ვებ-გვერდიზე:
www.procurement.gov.ge:

ა) „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“;
ბ) სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“.

2. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში (დანართი №3), სატენდერო წინადადების წარმოდგენამდე.

3. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი უფლებამოსილი პირის მიერ და დამოწმებული ბეჭდით.

4. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.

5. სატენდერო წინადადებაში საერთო ფასი გამოსახული უნდა იყოს შესყიდვის ობიექტის, მუსიკალური ინსტრუმენტების მიწოდებასთან, ა(ა)იპ ზაქარია ფალიაშვილის სახელობის სამუსიკო სკოლის შენობაში ტრანსპორტირებასთან დაკავშირებული ყველა ხარჯისა და საქართველოს კანონმდებლობით გათვალისწინებული გადასახადის გათვალისწინებით.

6. სატენდერო წინადადება, ასევე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნეს ქართულ ენაზე.

7. ალტერნატიული სატენდერო წინადადების წარმოდგენა არ არის დაშვებული.

8. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

ტექნიკური დავალება

1. შესყიდვის ობიექტი

1.1. შესყიდვის ობიექტია: ა(ა)იპ ზაქარია ფალიაშვილის სახელობის სამუსიკო სკოლისათვის მუსიკალური ინსტრუმენტები და ნაწილების (CPV კოდი: 37300000) სახელმწიფო შესყიდვა.

1.2. შესყიდვის ობიექტის სავარაუდო ღირებულებაა **13 700** (ცამეტათასშვიდასი) ლარი.

2. ტექნიკური მოთხოვნა, საქონლის მიწოდების პირობები და აუცილებელი მოთხოვნები:

2.1. გამარჯვებულმა პრეტენდენტმა უნდა უზრუნველყოს ახალი (ექსპლუატაციაში არმყოფი) მუსიკალური ინსტრუმენტების და ნაწილების მოწოდება შემდეგი მახასიათებლებით და რაოდენობით:

N	დასახელება	სპეციფიკაცია, ტექნიკური მახასიათებლები	რაოდენობა
1	ვიოლინო	სრული ზომის 4/4. კორპუსი: ადაპტირებული ნეკერჩხალი, კაუჩუკის ლაქით დამუშავებული. შერჩეული ხემით, მყარი კეისით, აქსესუარებით: კანიფოლი, ნიკაპის დასადები.	5
2	ვიოლენჩელო	სრული ზომის 4/4. დეკის კორპუსი: ადაპტირებული ნეკერჩხალი, გრიფი: ნეკერჩხალზე დაჯენილი დამუშავებული მსხლის ფენა. მიკროწყობის მექანიზმი ყველა სიმზე. კომპლექტში მსუბუქი პოლირების სითხით და სპეციალური ბამბის ნაჭრით. კაუჩუკის ლაქით დამუშავებული. შერჩეული ხემით, რბილი, დათბილული კეისით, აქსესუარებით: კანიფოლით.	2
3	ვიოლენჩელო	3/4 ზომის. დეკის კორპუსი: ადაპტირებული ნეკერჩხალი, გრიფი: ნეკერჩხალზე დაჯენილი დამუშავებული მსხლის ფენა. მიკროწყობის მექანიზმი ყველა სიმზე. კომპლექტში მსუბუქი პოლირების სითხით და სპეციალური ბამბის ნაჭრით. კაუჩუკის ლაქით დამუშავებული. შერჩეული ხემით, რბილი, დათბილული კეისით, აქსესუარებით: კანიფოლით.	1
4	ფლეიტა	ხის ჩასაბერი მუსიკალური ინსტრუმენტი. სპეციალურად, დამწყები მუსიკოსებისათვის დამუშავებული ჩასაბერით (ჩაბერვის გასაადვილებლად). წყობა C(დო), კორპუსი მოვერცხლილი. დახურულ სარქველთა სრული სისტემა. გამოკვეთილი სარქველით G (სოლ) და E(მი) მექანიზმით. კომპლექტში მსუბუქი, მყარი კეისი.	5
5	კლარნეტი	ხის ჩასაბერი მუსიკალური ინსტრუმენტი. წყობა Bb (სი ბემოლი), კორპუსი: ებონიტი, მონიკელებული სარქველები, ფაქტურა ხის, კომპლექტში მსუბუქი მყარი კეისი, ტროსტი, ლიგატურა, მუნდშტუკი.	5
6	მსუბუქი, ნოტების დასადები პიუპიტრი	დასაკეცი. სიმაღლის რეგულირებით. უნივერსალური: დამჯდარ და დამდგარ მდგომარეობაში გამოსაყენებლად. კომპლექტში შალითა.	10
7	მყარი საორკესტრო ნოტების დასადები, პიუპიტრი	სიმაღლის რეგულირებით. უნივერსალური: დამჯდარ და დამდგარ მდგომარეობაში გამოსაყენებლად.	40

2.2. პრეტენდენტმა, ხელშეკრულების ხელმოწერიდან **25 (ოცდახუთი) კალენდარული დღის ვადაში**, საკუთარი ხარჯებით უნდა უზრუნველყოს მუსიკალური ინსტრუმენტების და ნაწილების ტრანსპორტირება ზაქარია ფალიაშვილის სახელობის სამუსიკო სკოლის შენობაში, მდებარე ქალაქი ბათუმი, დემეტრე თავდადებულის ქუჩა №20-ში.

2.3. მიმწოდებელს არ აქვს უფლება წარმოადგინოს ალტერნატიული წინადადება;

2.4. **იმ შემთხვევაში თუ პრეტენდენტის მიერ შემოთავაზებული საქონელი არ დააკმაყოფილებს ტექნიკურ მოთხოვნებს, მოხდება პრეტენდენტის დისკვალიფიკაცია.**

3. ანგარიშსწორების პირობები

3.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის ტრანსპორტირებასთან, მიწოდებასთან, სამუსიკო სკოლის შენობაში მის განთავსებასთან დაკავშირებული და საქართველოს კანონმდებლობით გათვალისწინებული ყველა გადასახადის გათვალისწინებით;

3.2. ანგარიშსწორება მოხდება უნაღდო ანგარიშსწორებით ლარში, ფაქტობრივად მიწოდებული საქონლის ღირებულების მიხედვით, შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში;

3.3. მიმწოდებლის მოთხოვნის შემთხვევაში, საქართველოს ეროვნული ბანკის მიერ ლიცენზირებული საბანკო ან სადაზღვევო დაწესებულების მიერ გაცემული საბანკო გარანტიის წარმოდგენის შემთხვევაში, შესაძლებელია გამოყენებული იქნას საავანსო ანგარიშსწორება 100%-ის ოდენობით ან მიმწოდებლის მიერ წარმოდგენილი საავანსოდ გადასარიცხი თანხის იდენტური ოდენობის საავანსო საბანკო გარანტიის საფუძველზე. აღნიშნული საბანკო გარანტიის მოქმედების ვადა არანაკლებ 30 (ოცდაათი) დღით უნდა აღემატებოდეს საქონლის მიწოდების ვადას.

3.4. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სახელმწიფო შესყიდვების ერთიან ელექტრონულ სისტემაში (შემდგომში – სისტემა) მითითებული უნდა იქნეს დღგ-ს გათვალისწინებით;

3.5. დაფინანსების წყაროა:

აჭარის ავტონომიური რესპუბლიკის 2014 წლის რესპუბლიკური ბიუჯეტი – 3 700 ლარი;

საკუთარი შემოსავლები – 10 000 ლარი.

4. საგარანტიო ვადა

4.1. შემოთავაზებულ მუსიკალურ ინსტრუმენტებზე და ნაწილებზე უნდა ვრცელდებოდეს არანაკლებ 1 (ერთი) წლიანი საგარანტიო პერიოდი.

4.2. თუ მიწოდებული საქონელს საგარანტიო ვადის ამოწურვამდე აღმოაჩნდება ან გამოუვლინდება ნაკლი ან/და დეფექტი, მიმწოდებელი ვალდებულია, შემსყიდველის შეტყობინებიდან არაუმეტეს 30 კალენდარული დღის ვადაში, განახორციელოს წუნდებული საქონლის შეცვლა ან ნაკლის გამოსწორება შემსყიდველი ორგანიზაციის მხრიდან რაიმე დამატებითი ხარჯების გაღების გარეშე.

5. მიმწოდებელმა ტექნიკური დოკუმენტაციის სახით სისტემაში უნდა ატვირთოს შემდეგი

დოკუმენტები და ინფორმაცია:

5.1. რეკვიზიტები დანართი N1-ის შესაბამისად;

5.2. ფასთა ცხრილი დანართი N2-ში მოცემული ფორმის შესაბამისად;

5.3. პრეტენდენტი ვალდებულია რეკვიზიტები და ფასების ცხრილი წარმოადგინოს სრულყოფილად შევსებული, დანართი №1-ისა და დანართი №2-ის ფორმით, უფლებამოსილი პირის მიერ ხელმოწერილი და ბეჭედდასმული.

6. დამატებითი პირობები

6.1. გამარჯვებული მიმწოდებლის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის **20%** მეტი სხვაობის შემთხვევაში ან/და სატენდერო დოკუმენტაციით გათვალისწინებული მოთხოვნების და საბაზრო ღირებულებისაგან მკვეთრი განსხვავების შემთხვევაში, შემსყიდველის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა და ამ ფასად მიწოდების შესაძლებლობა (მაგ: ინვოისების ან სხვა დოკუმენტების წარმოდგენა). ზემოხსენებული დასაბუთების წარმოდგენლობა გამოიწვევს შესაბამისი მიმწოდებლის დისკვალიფიკაციას.

6.2. ვაჭრობის დამატებითი რაუნდების შედეგად ფასის ცვლილების შემთხვევაში, შემოთავაზებული საქონლის შეცვლა სხვა, უფრო დაბალი ხარისხის ანალოგიური საქონლით დაუშვებელია;

6.3. მიმწოდებლის მიერ დანართი N2-ის წარმოდგენლობა, არასრული შევსება ან/და დანართში არსებითი შეუსაბამობა გამოიწვევს მის დისკვალიფიკაციას.

7. საკონტაქტო პირები:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია მიიღოს სატენდერო კომისიის აპარატში, ქ. ბათუმი, დემეტრე თავდადებულის ქ. N20. საკონტაქტო პირი: **ზოია რუხაძე**
ტელ: 599 09-04-97.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი

ხელშეკრულება სახელმწიფო შესყიდვის შესახებ №

ქალაქი ბათუმი

_____2014 წელი

ერთის მხრივ, ა(ა)იპ ზაქარია ფალიაშვილის სახელობის სამუსიკო სკოლა (შემდგომში „შემსყიდველი“), მისი დირექტორის ნინო ჩაიძის სახით და მეორე მხრივ „-----“ (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის და პრეტენდენტის (დასახელება) სატენდერო წინადადების საფუძველზე, შემსყიდველის მიერ ჩატარებული გამარტივებული ელექტრონული ტენდერის (სატენდერო განცხადება NSPA....) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების საგანი

1.1. ხელშეკრულების საგანია ა(ა)იპ ზაქარია ფალიაშვილის სახელობის სამუსიკო სკოლისათვის **ახალი მუსიკალური ინსტრუმენტები და ნაწილების** (შემდგომში „საქონელი“) სახელმწიფო შესყიდვა – (CPV კოდი: 37300000) ხელშეკრულების პირობებისა და N2 დანართის შესაბამისად, რაც, თავის მხრივ, წარმოადგენს ხელშეკრულების განუყოფელ ნაწილს.

მუხლი 2. ხელშეკრულების ღირებულება

2.1. ხელშეკრულების ჯამური ღირებულება შეადგენს _____ ლარს დღგ-ს ჩათვლით.
2.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

მუხლი 3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორებით ლარში, ფაქტობრივად მიწოდებული საქონლის ღირებულების მიხედვით, შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში.
3.2. მიმწოდებლის მოთხოვნის შემთხვევაში, საქართველოს ეროვნული ბანკის მიერ ლიცენზირებული საბანკო ან სადაზღვევო დაწესებულების მიერ გაცემული საბანკო გარანტიის წარმოდგენის შემთხვევაში, შესაძლებელია გამოყენებული იქნას საავანსო ანგარიშსწორება 100%-ის ოდენობით ან მიმწოდებლის მიერ წარმოდგენილი საავანსოდ გადასარიცხი თანხის იდენტური ოდენობის საავანსო საბანკო გარანტიის საფუძველზე. აღნიშნული საბანკო გარანტიის მოქმედების ვადა არანაკლებ 30 (ოცდაათი) დღით უნდა აღემატებოდეს საქონლის მიწოდების ვადას.

მუხლი 4. საქონლის მიღება-ჩაბარების წესი

4.1. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
4.2. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს _____.

მუხლი 5. საქონლის მიწოდების ადგილი და ვადა

5.1. საქონლის მიწოდების ადგილია: ქ. ბათუმი, დემეტრე თავდადებულის ქუჩა N20.
5.2. საქონლის მიწოდება და განთავსება უნდა განხორციელდეს შემსყიდველთან შეთანხმებით, ხელშეკრულების გაფორმებიდან 25 კალენდარული დღის ვადაში.

მუხლი 6. მხარეთა უფლება-მოვალეობები

6.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
6.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.
6.3. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებულ ვადებში.
6.4. მიმწოდებელი ვალდებულია:
ა) მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
ბ) უზრუნველყოს მიწოდებული საქონლის განთავსება სამუსიკო სკოლის შენობაში, შემსყიდველთან შეთანხმებით;
გ) შესაბამისი შეტყობინების შემთხვევაში დროულად აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი შემსყიდველი ორგანიზაციის მხრიდან რაიმე დამატებითი დანახარჯების გაწევის გარეშე, წუნიდებული საქონლის ან/და მისი ნაწილის გამოცვლის ან/და შეკეთების გზით;
დ) შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ.

მუხლი 7. გარანტია

- 7.1. მიმწოდებელი იძლევა გარანტიას, რომ წინამდებარე ხელშეკრულების საფუძველზე შესყიდული საქონელი, საგარანტიო პერიოდის, 1(ერთი) წლის განმავლობაში, ექსპლუატაციის დროს არ გამოავლენს ხარვეზს.
- 7.2. თუ მიწოდებულ საქონელს აღმოჩნდება ან გამოვლინდება ნაკლი ან/და დეფექტი, მიმწოდებელი ვალდებულია შემსყიდველის შეტყობინებიდან არაუმეტეს 30 დღის ვადაში უზრუნველყოს ნაკლიანი საქონლის უნაკლოთი შეცვლა ან ნაკლის გამოსწორება.

მუხლი 8. პირგასამტეხლო ხელშეკრულების პირობების შეუსრულებლობისათვის

- 8.1. ხელშეკრულებით ნაკისრი ვალდებულების შესრულების ვადის გაშვების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 8.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 9. ხელშეკრულებაში ცვლილების შეტანა და ხელშეკრულების შეწყვეტა

- 9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5. მხარე ვალდებულია 9.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 9.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 10. დაუძლეველი ძალა

მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

მუხლი 11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

- 12.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2014 წლის _____ მდე.

შემსყიდველი:

მიმწოდებელი:

პრეტენდენტის რეკვიზიტები:

1. პრეტენდენტის რეკვიზიტები:

სამართლებრივი ფორმა: საფირმო

სახელწოდება: იურიდიული

მისამართი: ფაქტობრივი მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი
(სახელი და გვარი)

ხელმძღვანელობაზე უფლებამოსილი პირის
მობილური ტელეფონის ნომერი:

პრეტენდენტი -----

(ხელმოწერა, ბეჭედი)

„-----“ ----- 2014 წელი

ფასების ცხრილი

ცხრილი უნდა შეივსოს სრულად მიმწოდებლის მიერ

N	დასახელება	სპეციფიკაცია, ტექნიკური მახასიათებლები	მწარმოებლის დასახელება, ქვეყანა	რაოდენობა	ერთეულის ფასი	სულ ღირებულება	მიწოდების ვადა და ადგილი
1	ვიოლინო						ხელშეკრულების ხელმოწერიდან 25 კალენდარული დღე ქ. ბათუმში, დემეტრე თავდადებულის ქუჩა N20
2	ვიოლენჩელო						
3	ვიოლენჩელო						
4	ფლეიტა						
5	კლარნეტი						
6	მსუბუქი, ნოტების დასადები პიუპიტრი						
7	მყარი, საორკესტრო ნოტების დასადები პიუპიტრი						
სულ ჯამი							

- შენიშვნა:
- არასრული შევსება ან/და დანართში არსებითი შეუსაბამობა გამოიწვევს მის დისკვალიფიკაციას.
 - წარმოდგენილ ინსტრუმენტებზე და მის ნაწილებზე ვრცელდება 1 (ერთი) წლიანი საგარანტიო ვადა.
 - ფასი გამოსახული უნდა იყოს შესყიდვის ობიექტის მიწოდებასთან და განთავსებასთან დაკავშირებული ყველა ხარჯისა და საქართველოს კანონმდებლობით გათვალისწინებული გადასახადის გათვალისწინებით.
 - წარმოდგენილი საქონელი უნდა იყოს შეესაბამებოდეს ტექნიკურ დავალებაში მოცემულ მოთხოვნებს.

მიმწოდებლის დასახელება _____

უფლებამოსილი პირი _____
(ხელმოწერა, ბეჭედი)

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.